

吉州全志

卷之四

吉州全志卷之四

物產

禹貢九州皆有貢物而冀州獨無蓋以其所產無奇  
不足責也吉州亦冀州之地謂之無奇產則可謂之  
無物產則不可記物產

穀屬

黍

稷

大麥

小麥

高粱

青豆

黃豆

菘麥

赤豆

黑豆

萊豆

豇豆

白豆

豌豆

(25927)



01913



花豆 扁豆 芝蔴 胡蔴 大蒜

蔬屬

白菜 芥菜 芹菜 菠菜 蔓菁 蒿菹 薑

木耳 蔴姑 苜蓿 蘿蔔 芫荽 葱 韭 薤 蒜

芋 蕨

瓜屬

南瓜 西瓜 甜瓜 王瓜 瓠子 壺

果屬

核桃 樹高丈許春初生葉兩兩相對結實至秋如青桃漢張騫使西域得種歸拉之秦中漸移東土州屬頗多

桃李 棗 杏 梨 奈 沙果 蘋果 羊棗

葡萄 櫻桃 松子 木瓜 林檎 石榴 柿

花屬

牡丹 芍藥 菊 萱 葵 薔薇 荼蘼 月季

鷄冠 石竹 木槿 玉簪 鳳仙 蜀葵 棣棠

紫荊 淡梅 蓼 剪紅羅 一名剪春羅厚茅譜有云六出過圓如剪茅華可受唐詩晉開剪作花花却春羅似

欲覓剪刀痕盡付東風裏

木屬

松 栢 榆 柳 槐 楊 桑 椿 楸 檉 檉 梲 皂 桐

漆 棠 楸 青崗 即榭也 赤木 能染紅

草屬

蒿 艾 艾 茅 荻 苜蓿 芣苢 蘆葦 馬蘭

蒲

藥屬

甘草 春初青苗高二三尺葉如槐七月間開紫花根長數尺粗細不齊生河西

蒼朮 苗高二三尺葉如蓬生似棠楸蒼黑色故名木此山之精也吉在萬山

五靈脂 延胡生州東山谷中形類鷄冠 黃精 益母 黃芩 南杏 大黃

荆芥 甘菊 柴胡 茵陳 地黃 花椒 連翹 皂角

遠志 紅花 知母 桔梗 麻黃 苦參 防風 地榆

紫蘗 斑茅 猪苓 山藥 牽牛 大劑 半夏 米芩

沙參 枸杞 伏苓 山茶 蕤仁 升麻 桑白 石脂

冬花 栢子仁 酸棗仁 兔絲子 麥門冬 天門冬 車前 蛇床子

青娘子 馬兜鈴 劉寄奴 五味子 地骨皮 何首烏 蒺藜



效輦而存之可也記古蹟附八景

耿城在州南博物記皮氏有耿城或曰殷祖乙遷耿即此  
隋置耿州故以名城

按通志耿今吉州暨河津縣書序祖乙祀於耿作祖乙元祀  
又曰耿在河中龍門縣鄭康成曰祖乙居耿以後奢侈踰  
禮地迫近山川常圯焉至陽甲立盤庚為之臣乃謀徙  
居湯舊都民遷耿又奢淫風俗故不樂從夫曰居以後則商之王  
之胥居耿可徵矣

北屈城在鄉北二十里有古屈城北屈也按左傳曰二屈杜  
注二當為北

姚襄城州西南五十里後漢姚襄所築西臨黃河為其  
齊交爭之地

古驕縣路史驕侯在河東按漢志河東郡有驕縣  
師古曰驕字音其

南汾州舊唐志元魏置後唐改汾州後齊改西汾州  
隋為文城郡武德元年改汾州五年改南汾州八年改慈州

件城縣州北六十五里後魏世祖時名涼軍縣太和二十一年改五  
城正平二年置五城郡隋廢郡以縣屬文城郡唐為五城  
屬慈州後魏置件城縣取戎名也

今按隰州境內有件城鎮即其地平陽府舊志載入吉州  
古蹟內以其曾屬汾州慈州耳姑存以正之

平昌故縣北魏世祖名刑軍太和二十一年改隸開皇初省

### 件城縣

文城故縣州北六十里城隍廟尚存後魏曰件城隋改文城縣唐

顯慶三年移件城縣東北文城村新唐志天佑三年更名屬

吉鄉故縣本唐吉昌縣宋更名曰吉鄉元至正二年省入吉州

定陽故縣舊魏志延興四年置并置定陽郡隋開皇初郡

廢十八年改名吉昌大業初置文城郡

古龍門水經注龍門之上有古龍門

牛心寨州北六十里西臨黃河金楊貞所築僑治吉州今其遺  
址猶存其跡

### 倚梯城

州西南百里龍門上置石為之東北高據峻嶺西南俯臨黃河  
懸崖絕壁百有餘丈以其險峻異常有若登梯而上者然

故名

庖丁氏故宮

州北六十里人祖山頂上建有大廟神像二金像舊碑誌為庖

丁氏故宮

鷄亭

考北魏志有鷄亭在作城縣

慈烏戍

舊唐志武德八年改南汾州為慈州以鄰近慈烏戍故以為名

孝子原州西二里孝子馮愈故址在焉

石佛崖在州南寬靜河上有心經觀音經五代唐永貞年刻

石洞在州北一百二十里其內可容百人又有水泉昔人避兵於此

石脈在大天灣河中

豐國鐵冶在州一百五十里明洪武初年設後革

天井在州西霖雨村西南河中舊傳歲旱禱雨輒應



雍正十年夏偶旱知州甘士瑛率屬親往虔禱越日甘雨如注  
其年大有州民感其神建天井龍王廟於河北以祀神焉  
知州甘士瑛為立碑以記之

附入景

孟門夜月

壺口秋風

錦屏疊翠

石孔飛泉

小橋流水

古洞瑤桃

壽山夕照

佛閣青嵐

新增

凝翠亭

在城南錦屏山之麓陡生石岸上有平地半畝昔人建亭於其上  
名曰凝翠亭下即佛閣晴嵐今雖毀遺址猶存

馮公祠祀金尚書馮公廷登

楊公祠在州西麻庫掌祀金尚書吉陽經略使楊貞有祭田數百

畝今尚存

蘭公祠在州東閱外祀河南山東江南河帥總督蘭公第錫壽

三年奉

旨發帑勅建坊刻

御書勤慎廉潔川莫成數八字

墳墓坊表

高人烈士塚墓相望千載而下令人有興起之思至於言坊行表  
原為褒揚懿美後世或為科第階級之榮當亦砥礪人材之助  
記墳墓坊表

漢留侯墓在州西三十里婆門村

按廣輿記茅房墓在平陽府襄陵縣舊志載入吉州不知何據  
然不可考矣姑存之以俟夫世之博聞者正焉

全

尚書馬廷堅墓在州東北十里陽莊村

經略使楊貞墓在州西六十里麻庫掌

本州同知任禮厚墓在麻庫掌通志任作  
任誤

李元帥墓在州莊村

務衙史墓在州北山陽村

魯都督墓在魯家原

屈御史墓上官坪

奏政陳浩墓在州西二里

郎中陳維藩墓在州城北原

給事中丁汝謙墓在州西行台村

副使劉從學墓在城北原

河道總督蘭第錫墓在州北光村

督糧道葛正華墓在州北陽兒原

兵備道葛天柱墓在州北陽兒原

坊表

青雲坊為舉人李瀕立

登雲坊為舉人張謙立

丹桂坊為舉人郭宗立

應奎坊為舉人張宏立

進士坊為進士陳浩立

傳臚坊為進士陳浩立

清要坊為給事陳浩立

方岳坊為參政陳浩立

畫錦坊為舉人張惠立

進士坊為進士張惠立

拔秀坊為舉人白述立

奪錦坊為舉人張紀立

一鶚坊為舉人馮綸立

騰蛟坊為舉人陳維藩立

英傑坊為舉人劉從學立

進士坊為進士陳維藩立

夙憲坊為按察副使劉從學立

達道坊為劉從學立

勅封坊為刑部主事陳廷顯立

恩光坊為戶部郎中劉澤立

貞節坊為節婦張氏立

河東鳴鳳坊為舉人丁汝謙立

進士坊為進士丁汝謙立

善儲侍臣坊為給事中丁汝謙立

聖世殊恩坊為太常博士丁良佐立

新增

孝子坊為孝子陳鳳卿立

節孝坊為節婦蘭繼祖之妻馮氏立

清標形管坊為節婦邱恭人立

寺院

不載祀典之祠宇幾塞宇宙伏梁公之後集煥無人然不

敢溷於祠祀之列亦曰非其鬼之不可詔也記寺院

盤古廟州西五里辛家庄

伏羲廟州北人祖山相傳伏羲為人祖故其山亦名人祖

山舊碑誌伏羲氏故宮

大禹廟在古龍門上口倚梯城魏孝文有碑記

以上三廟係古帝王非臣民所得奉祀故首列之

石槽補元和志禹鑿山河水下趨峻極深七丈經行

之處元禁捕魚今山半鑿空架橋五十步東流

懸注七十餘尺魚一鱉所不能游號石槽東岸  
有石槽祠大禹施功始此

玉帝廟州北閤外

東岳廟二一在舊城西隅一在東州太度村

雷神廟州北閤外有雷神溝今塌毀無存

天中龍王廟雍正十三年知州甘士瑛建有碑記

馬王廟在州東門外姜藥王財神名三聖祠

天神廟二一在城北五嶺山一在州東曹井村

晉文廟在州南錦屏山上宣德己卯年建嘉靖丁酉州幕李觀

修整 國朝知州南鵬重修

王真人祠在州北一百里曹村

北極廟三一在內城山上今廢一在北閤外一在房村里

觀音閣在城外西閤

開元寺在舊西門外

雷音寺在州南

慈教寺在州東

佛閣寺在錦屏山下

永慶寺在文城村

大像寺在同樂里

福慶寺在州西雷家庄

佛慶寺在州西北房村里上市村

老君庵五一在城北一在城東一在大天灣一在南村一在麻庫掌

紫微觀在凌門村

新增

安古寺在州南安平村創建不可考同治年間村人於寺後

掘得古器物甚多有古銅旅甌子一旅簋一上鑄有篆

銘其甌云叔頌父作旅甌子子孫永寶用其簋較甌差

小狀如盤曰鑄銘詞云周叔姑作旅簋其萬年永寶用

伏永寧州北三十里琴城村佛像大可數丈手足指甲俱以古瓦為之

皇天后土廟州北十五里謝慈村建於大宋天聖元年正殿有蒿

樑一奈大可數抱神座暖閣後有木屑莊合小門殿宇結

構奇詭制作精巧俗傳為公輸子神之所造

漢王廟州北一百二十里北界大寧一百二十里地勢崇敞傳聞漢  
曾屯兵於此因建廟以祀焉

天寧寺州南錦屏山下金天會七年鑄大鐘一口至正元年  
知州王士元碑文猶存

北極廟一在高天山一在五龍宮一在西宮河一在包山頂上

### 特恩

世宗憲皇帝御極之七年以普天率土共慶豐登乃

欽命蠲免各省明年額徵錢糧各有差內山西省免銀四十萬

兩夫賜租免賦類免於有所為之年未聞無故而竟行  
免者蓋千以來未有之曠典也繼以晉省民情感激  
情願自掎腳力運送軍需駝雇而

天顏大喜於仍給腳價之外再免辛亥年額徵錢糧二十萬

而以惠斯民猗歟哉哉何

天恩浩蕩有加無已至於此極也不有記述何以昭示來茲恭記  
特恩並誌

宸翰



雍正七年奉

旨免雍正八年錢一千五百二十五兩七錢一分一厘八毫

雍正七年奉

旨免雍正九年錢糧六百五十八兩九錢一分八厘

聖祖仁皇帝御書對聯

賜吉州知州臣張燦

閉尋綺思千花麗

靜想高吟六義清

新增

光緒三年下丑大稔奉

旨蠲免丁丑下忙戊寅上下兩忙己卯下忙錢糧銀二萬四兩

七錢九分二厘

頒發賑濟銀四千兩

賑濟銀九千七百四十二石

自平陽府以下計程二百六十里  
每石隨帶腳價錢十三文

馬十四匹 驢二百七十六頭 牛十七隻

以上牲畜俱減價出賣所得價銀發貧民以補農事不足

頒發綿衣九百件

二十六年緩徵下忙並二十七年上忙錢糧

頒發賑濟銀一萬一千兩又緩徵上忙錢糧

放常平倉谷一萬零七百三十五石五斗奉

旨蠲免

祥異

孔子不語怪亂而災異之變往往筆之於春秋其旨深而思遠矣一郡之記載雖不能竊取其義然不備誌之於冊則休徵嘉瑞不幾與殷鑒者無別乎記祥異

商

祖乙地於秋王懼以巫咸之子賢為相諸侯賓服天下大和

東魏

孝靜帝天平四年并肆汾建晉東雍南汾秦陝九州霜

旱人饑流散開倉賑濟北齊書

隋煬帝大業七年十月乙卯底柱山崩河逆流數十里

唐太宗貞觀二十三年八月癸酉河東地震乙亥又震給服二年

武后垂拱三年河東旱

德宗興元元年河東等節度螟蝗為害每節度

賜米五萬石

穆宗長慶元年七月戊午河水赤三日

宣宗大宋六年三月有星孛於紫參

僖宗乾符三年秋河東諸州多鼠穴屋壞衣三月止鼠盜也

中和元年秋河東早霜殺稼

五行志

光啟二年河東讀陰六十日德州行城烏與鳩相殺

昭宗乾寶二年河東地震

宋

太祖建隆三年十二月戊戌蒲晉慈饑賑之

太宗太平興國五年八月知慈張愈獻合穗禾

淳化三年河東旱

大中祥符五年四月慈州饑鄉甯縣生石脂如麵可為餅餌

九年六月蝗蝻趨河東及霜寒始斃

天禧元年二月河東河北蝗蝻復生多去歲蟄者

慶曆三年河東地震

神宗熙寧元年二月戊戌河東饑貸饑民粟七年自春及夏

河東河北河東久旱九年八月河東河北旱

元慶七年河東饑 詔免稅

元符三年五月癸巳河東饑 詔帥臣計度賑恤

金

熙宗垂統二年秋西京河東大熟

海陵王正隆二年秋河東蝗五年二月辛未河東地震

世宗大定十六年河東旱蝗

衛紹王大安三年河東大旱

至甯元年河東陝西饑賑之七月河東旱遣工部尚書高昂

祈雨於嶽瀆至是雨足斗米至二三千文

元

順帝七年夏四月河東大旱民饑有死者賑之

明

成化二十二年八月望州大雨雪深三四尺

嘉靖十二年旱

二十一年夏五月大水漂沒城郭民舍之半

四十年夏六月地震

隆慶三年大饑

萬曆十一年雨雹傷稼

三十五年大有

三十七年大旱

三十八年大旱

三十九年大旱

四十一年春三月大水合

四十九年大水賑濟

崇禎七年大饑

八年夏大有

十四年大饑米麥二年積錢有八錢至一兩五六錢不等

國朝

順治三年大有年

四年六月蝗賑濟有差

七年自春至夏旱賑濟有差

十六年夏四月大風雨雹傷禾

十七年冬大雨雪連綿月餘

康熙元年大雨數月毀壞城廬屋舍

四年春彗星見

八年春三月黃河水復合冬十月草木萌芽長寸許

十年春三月望雨細泥

十一年秋七月陽穀稼

三十年旱蝗賑濟

三十一年旱蝗大饑免糧有差

三十二年大有麥

五十一年大旱錢糧全免

五十九年旱免糧有差

六十年大旱免糧有差

雍正四年大有年十二月十一日起至五年正月初七日止黃河清

共二十七晝夜

五年大稔

七年大稔

八年大有年

九年大有麥

十年五月旱

十一年夏大水禾不傷扶風橋衝決無存

十二年歲朝天雨黃土

乾隆失考

嘉慶九年十年天饑米麥斗價至二千四百文

道光三年大疫

十四年甲午秋大熟

十五年乙未大有年

十八年六月河水暴發深波民房廟宇甚多昌濟橋深浸無存

扶風橋石欄衝決

二十三年癸卯夏大雨風拔木折壞民房甚多

二十六年歲饑米麥斗價錢一千二百文

二十八年夏五月初四日大雨雹深二尺許損麥八九日後米積有不消者

咸豐元年彗星見於西方

四年大有麥

五年大有麥

七年丁巳秋大旱米麥半斃  
八年戊午大有麥有二穗三穗者

十一年十一月地震

同治二年五月初六日大雨雹近城十里麥傷殆盡

四年春旱

五年秋大雨四十餘日浸傷民房室甚多

六年夏旱湖中蝌蚪脫尾成蛙密布道傍朝暮尤甚

五月十五日天中有白氣形如匹練自西指東數刻而散

冬十一月拾匪犯境

七年戊辰大稔



八年己巳大稔

九年十二月二十七日三更時編塾起火

十年人祖山週圍四十餘里草木重花冬十一月初四日黃河

涸自七郎窩至蛤蟆灘越辰巳二時水復起

十一年九月墮霜甚重着草木數日不化

光緒元年夏秋歉

二年旱秋九月墮霜緩稼冬十一月壺口上流河水斷絕

數十丈羊日方接

三年大旱麥歉禾未登州北南窩科村百果重實冬十一月二

十六日河清至四年正月初八日共四十二晝夜

四年大稔夏無麥人食樹皮草根人畜肉死者數萬

五年鼠多異常啣人衣服器皿不分晝夜秋大熟未能收穫者

五十年之六七城內及東北三鄉尤甚秋禾草木重花

歷代其氛附

晉惠公時狄取孤府涉汾

漢中平五年七月南部與白波賊寇河東六年十月白波賊寇河東

晉并平年亂襄遠亂關王欽等招定陽并州衆三千百人進據黃洛  
後魏承平四年正月汾州劉龍駒聚衆反詔諫議大夫薛  
和率衆討之

正統五年十一月汾州正平平陽山寇叛詔章武王融為大  
都督以討之

孝昌元年十二月劉蠡升復破擒其南海王西海王并通逃二萬餘戶  
元象元年正月大都督賀拔仁攻寶炬南汾州已卯拔之

大統三年石罽大都督賀拔勝攻克河東略定汾降汾州之北離  
石以南悉遣拔居人阻斷河路周勳州刺史韋孝寬深患之而  
地於齊無力誅剪欲當其要處置一大城恭帝乃於河役徙十萬  
甲士百人遣開府姚岳監築之岳以兵少為難孝寬日計成此城  
十日即畢既去晉州四十餘里一日旬于二日偽州始知設令晉州  
徵兵二日方集謀議之間有稽三日計其軍行二日到我之城隍  
足得解矣乃令募之齊人舉臺南適疑有大軍仍停留不進其  
夜又令汾水以南傍介山礮山堵村所在縱火齊人謂是軍營  
遂收有圖版蔡克就如其言

周家宰宇文護令中外府丞參軍郭榮於汾州觀形勢時汾州與姚襄鎮相去懸遠姚以為二城孤絕勢不相救請於州鎮之間更築一城以相捍攝護從之俄而齊將段孝先攻臨姚汾州二城榮所立者獨能自守齊段孝先攻汾州同宇文護作浮橋出兵度河與孝先戰孝先於上流縱火夜以擊之護令榮督使水者引取其筏以功授都督

周天和六年北齊武平二年齊段韶圍汾州周刺史楊敷固守韶曰城三面東澗皆無走路惟慮東南一道耳精兵寡守此必成擒令壯士十餘人伏東南澗口會賊糧盡走伏起擒之遂取汾州

宣政元年九月汾州劉綬遣千舉兵反詔上柱國趙王威為行軍元帥率眾討平之

唐天復元年晉周德威李嗣昭取慈州二年復臨德威復取之

金興定三年遣近侍局直長溫教百家奴刑部侍郎奧屯胡撒合從吉州之民於丹州以避兵鋒州民重遷遠控訴百家奴令召晉安兵將鎮老幼以行眾意兵至必見強乃諕州署殺百家奴胡撒合畏禍徇眾會飲歌盡日眾肩輿導擁護呼拜謝而去後治罪

元權兵馬大元帥之天祥下河東平陽河中奇嵐絳石隰吉諸郡  
所將皆猛士衣黑為號故曰黑軍庚寅閏中兵屯吉州首領楊鐵鎗  
以數千人叛河南路都元帥李守正出兵討之

明崇禎三年正月賊王嘉祭臨府谷他賊山西犯吉州襄陵太平曲  
沃土六年高傑渡河屯吉州數日焚燬村舍十二月闖賊既臨  
西安分遣賊衆履兵渡河州遂破置偽官屬

國朝

順治元年大兵至黑龍關把總衛敏起兵應之初十日破知州潛  
遁六年五月衛敏作亂八月陷城七年二月平

按通志周保定中離石生數寇汾北勳州刺史韋孝寬於險  
要築城置兵以逼其路建德五年北齊武平七年十一月東伐趙  
王招率兵馬稽令行軍總管韋孝寬圍守華谷以援應  
之韋孝寬克其四城

華谷在双柏朴峪  
武平二年築

新增

同治五年捻逆張綜玉竄入陝西一帶山石成巖秋協鎮鄧統  
領太原團勇三百駐防吉州河口十月平陽總鎮蔣復領平

陽營官兵數百駐紮吉州城

六年三月賊繞龍王池岸兵勇齊紮河口防守八月太原勇撤  
回九月平陽總鎮蔣卸任十月平垣營遊擊谷景昌三百  
餘人兼轄太原鎮標右營都司張德豹領兵三百餘衆防堵龍  
王池十一月平陽總鎮陳復帶元亨利貞五營練勇分防吉州沿河  
一帶抵河數日聞閩有警遂復領軍而北十九日賊由陝西宜  
川縣繞至龍王池七郎窩河口是時永橋正固賊屢撲不卻遊  
擊谷以有病在城派都司張德豹千總郝恭把總米輔國同  
知州余濬督率各營兵勇日夜禦戰鎗斃甚多二十二日賊始  
卻退六十餘里是日總鎮陳亦由太原將勇撤回抵河時賊  
退已遠是夜更以新到之兵更番守河三更後偶不及備賊以  
數十騎潛度永橋先將火藥點放兵覺有警而賊勢已不  
可禦矣軍中潰亂死者不可勝計都司張德豹千總郝恭  
把總米輔國皆力戰死之二十三日夜五鼓時賊遂直入州城遊擊  
谷景昌及姪杏林額外劉海潮等俱死之距城四十里以內村庄  
悉被蹂躪火光燭天二十六日老湘營劉精銳營衆領兵追勦賊

衆由青石峽馬皮峪三官峪鋪頭峪奔入河津殺山太平裏  
陵一帶渡汾河由平陽界直上太原奔窰十二月初三日兵始退  
城鄉死者擄者計數千人焚掠一空初六日復有小股賊五六百由  
陝西渡河窰入州境初七日由蒲縣窰入平陽府十九日亨字  
營統領何鳴舉將兵駐紮州城二十三日又有小股賊數百由  
州南石泉村山圪鎮窰入鄉窰縣是時州城無官者月餘  
七年正月始委官人民離散者漸次復還

### 藝文

誌書之於藝文用以備典故必有事以人傳人以人重之蓋故於舊志  
所載不無損益期於存遠辭夫不尚繁詞累句亦肅記藝文

### 修學宮

國朝 王建傑 鄉窰人

昔吾庠之設選勝東郊歷代既久風雨飄飄兼之兵燹殘毀故過者  
輿嗟東萊于公來守茲郡領瞻廟貌惘然於中會

詔旨令天下大修郡縣學宮公毅然曰獲我心矣遂進紳士虞陳  
諸君而謀之諏日度材鳩工董事公自捐廉五百金士民  
謂勿獲已者莫敢後焉工竣請余言以記之余何敢以不敏對

為之拜手應言曰稽矣仍五代兵革之後開基四世歷六十餘  
年而海內庠序十不興一 宋初即位乃曰州縣士子滿百始得  
立學不及願者祇立孔子廟而已故宋之名大夫廡有記其學  
有記修學之記無闕焉由明至今廟為主而學輔之制度視  
宋如等而人材大遜於前何哉良以士風日下器識不足則聰明  
皆為浮氣所驅即可教化者謁廟而不登堂登堂而不橫講  
席排列噉呵疾趨以出讓後徘徊嘆息於廊廡闕廟之間是  
以人材不興修學無日也公之得吉有經術有稽當待紳士  
有思禮故茲之舉衆人皆同心綱紀公猶時如者視不遠安處  
計時凡九閱月計全共七百有奇角正殿兩廡戟門櫺星門啟聖  
祠名宦祠鄉賢祠明倫堂遊去齋教業齋以角禮門牌坊  
諸齋講定易者易齋和者初無不舉舉而公之心猶未已  
也更欲建魁星閣立社壇集諸博士弟子員肄業其中而  
後即安夫吉文獻拜也名賢接踵科第輩出令學宮復  
修且得公以教育之而學士果勉於興行安知不步武元魁如  
先哲之諫隱兵害其大者乎故援筆記之以徵信於永世云

學宮新開泮池記

國朝 曹執衡 本州人

天下惟好斯土者有創制因革之權然未必盡緩急之用  
茲以賦司乎民社官視為傳舍於應興應革之事不能實  
心舉行即間有建置亦不過駢舍堂宇倉獄堞隍率報績  
已耳若學宮為風化地朔望展謁奉行故事更不問學中之  
何者宜修何者宜建也無怪乎文翁而後祠音寥寥而以道  
學飾吏道有定易觀也哉太守林夫子秀發南溟望隆北斗其  
築休古廊也字民課士鄙人已既誦之矣茲於癸卯秋奉簡書  
蒞吉州下車之始即以興學愛士為首務學宮舊建東郊  
錦屏峙其前瀑泉環其右亦擅一州之勝但此地久無泮池議  
者謂學宮石崖美許下瀑二泉唐敬德尉蓮曾飲馬泉遠坂  
以取名許正春當泮水公於謁廟之際力闢其說矣夫泮水旋  
邱節觀臨雍講藝冠帶環橋室流泉之所得擅乎欲謀開  
鑿鑿緣初往未遑越明年甲辰春遂捐俸鳩工經始開鑿奈不數  
尺得錢三萬八年有奇公曰文運震赫有開必先爾多士儲  
八年才藝萬選聲其兆已蒙甲於此矣鑿深丈許下及泉派



上架虹橋觀制幸新恍焉改觀時缺教職公署庠葺每月課士而甲乙之歷幾寒暑不輟則尤賢者所難闕庠士子感公之功欲立石以記之余欣然擊案曰凡物之興廢各有其時以千百年来有之事而得公以創所謂功俾開闢而不等於傳舍視之者也且後之生斯地者皆曰此某公之德思之而弗忘官斯土者皆曰此某公之遠也德之而弗替將見多矣從茲約變龍驤顯聯堯奮齊公開創之功所遺也其視文翁化蜀不已超然遠乎公蒞任二載能其官仁心善政自有童叟口碑歎不復贅

祭龍王文

明張應春撰

後西

萬曆四十五年亢暘不雨且旱蝗大作知州張應春作文告於龍王神前曰惟龍行雨潤百穀也惟王降龍均雨澤也民間水溢則告之王旱乾則告之王此雖百姓之情總以王之職掌而不意今年大旱麥苗薄收而仰藉王慈少零甘雨繞種秋禾又遭蝗蟲雖蝗有八蜡之神在與王無預倘王之降龍有法雨澤足沾蝗何自生即生亦不若此之威言念是災敢忘自省而歸責於王第區區愛百姓之心不得不於王有望也况王豐年愛百姓之享祀荒歲

不能為百姓禦災似來自溺其職也職卜日媾誠率領鄉耆肅  
告於王速顯靈異早賜時雨勿迅風雷令徐徐入土萬一轉災  
為祥厚邀收成職當率此一方人為崇新廟貌伐石立碑  
以煇耀靈異使天下知吉州龍王之神有禱輒應如響音  
不雨可需六月不雨可需九月過十日不雨雨而不沛然下也苗無  
生意民失所依是使王千百年之靈異一旦付之烏有恐非妄  
自為計職亦不敢負百姓之意詔責於王而為王諱也何  
者王為天曹之雨師職為天子之守吏王不能降龍行雨職不  
能動王降龍行雨均之於地土無益職惟有新王之靈以對此  
百姓耳王其鑒之

張侯作此祭告神前次日甘霖大降四野沾足蝗亦漸漸  
滅息父老具之遂公舉而刻於石以記其事

知州張侯去思碑

四朝 劉玉書 本州人

吉守張公諱燦字玉山奉天遼陽人也世德積累清白傳家  
自民牧政聲卓越忻忻然歌孔邇頌神居者在在皆是  
前以賢能報最調署吉州處萬山之中狼不滿萬丁謹

三十凡土之瘠民之貧地方之凋殘其有賴於賢父母之興利  
剔弊走復元氣者非一日之失幸公下車以來凡有關於風教  
有裨於地方者無不勵精以圖治次第兼舉勵士於庠序識  
禮義而教思廣矣勸民於農使足衣食而容保宏矣  
禁雜派之積弊革編氓之陋習而民徯均民財裕矣興民害  
以便民生嚴賭盜以便民生勸積月以借民荒而民利興民害  
除矣七年之內經營區畫第見逃者返困者蘇門無呼吏花州  
鷄犬之村人慶豐年戶介羔羊之酒幾幾乎有陶唐之遺炳耀

天壤而志乘未載曷以垂之永久雍正七年

世宗憲皇帝垂念及此

欽命天下郡邑俱各纂修志書申之上司彙為叢誌進呈

御覽以備統誌館未輯之需其於顯微闡幽典至鉅也

士英以高平於

命來牧吉州適當其時加之吉係近改直隸兼轄鄉寧縣二邑向咨

各自為誌不特郡邑借以聯合而於有聞人心風俗維特名教

之處悉得以表見之不誠厚幸歟獨是州誌因明未離亂之後

毀棄無存至康熙十二年始有里人官職銜進憶撰述既不全備亦

少倫紀而寧誌浮誇蒲誌儉陋更甚於此非有博識之士文獻之徵  
高能勝此乃吉輿一邑僻處萬山士多負耒人鮮貫通所謂斷  
簡殘編遺碑曠碣百不得一詎無掛漏貽譏然當

聖天子經理庶務百度維新不於採摭神編以表

盛朝一代之典章則尺素之責更不可遺爰集三同志博稽掌故撿拾  
舊聞信者仍之疑者闕焉逾年而竣以稿今差通志館明侯通志  
告成再謀付之梨棗以示來茲九年冬

朝議以蒲縣改屬隰州而吉邨只隸解州規制既更勢不得不復為增  
者以成一郡之志且俾州之人士知我

世宗憲皇帝徵顯闡幽大小不遺於修志一節亦寓砥礪人  
心之至意則今日之至隆極治一道同風雖與古之聖君  
哲哲后合德而同揆可也因忘其固陋而弁其端以誌一  
時之盛云

附八景

孟門夜月

明張周祐 本州人

我湖轟轟水洋洋銀漢橫空夜未央河底有天涵

兔影山闌無物掩蟾光清輝厚積千林雪寒氣輕  
飛九陌霜因甚孟門開寶鏡姮娥向晚理殘粧

壺口秋風

明陳維藩本州人

碧空昨夜度賓鴻壺口波兮思禹王一水中分秦  
晉異而山倚峙古今同秋風捲起千層浪晚日迎  
來萬丈虹八載勤王方奏績鑿成天險壯河東  
錦屏疊翠

張殿陞

本州人

淑氣氤氳春令行佳山送翠景偏清風吹楊柳  
條綠雨潤藤蘿一望青好鳥林中調巧韻奇花枝  
吐吐芳英是誰喚起王摩詰畫就文城錦繡屏  
石孔飛泉

陳維藩

發源分派自崑崙空彼靈湫透石根泉湧千流達  
九曲水通一竅會三門味兼甘露鮮還美冷澗明  
漱復存溽暑可消遊子渴天光雲入無痕

壽山夕照

前人

拱秀南山綠潑油登樓瞻眺任夷猶無邊紫翠開

霞照何限桑榆托晚收鴉背初翻林外面羊羣  
下嶺前頭爭奇列岫相輝映好景偏於日暮留

佛閣晴嵐

明丁汝謙本州人

近水臨山遠市塵梵王宮殿建何年層巒迎曉如  
垂露壘嶂入昏似帶烟驂適情吟白雪禪僧養靜  
坐青蓮巖光翠色渾無際縹渺延綿接上天

小橋流水

陳維藩

幾處橋梁接山溪巖作枕湖邊境移聲骨不香海地擁紅腰跨碧錦鯉聽雷  
騰浪裏神龍吐霧向波間縱橫車騎同周道過往行人不告驚

古洞瑤桃

劉德溥

削土為基石蹟奇好如仙府少人棲瑤桃百樹堪清賞峭壁  
千尋可品題羽客枕出門戶掩詩人中酒路途迷三春牽引人  
遊玩常有金鞍玉馬嘶

壺口賦

明黃光燁 羅山人

維茲壺口載在禹謨長河自北而南中分秦晉之區因其形似  
而名之恍壘甕之乍收王寬中狹自高而下峻若建瓴駭若

奔馬洪波急濺驚濤怒瀉聽之若雷霆之鳴望之若虹霓  
之射兩岸環山河底維石氣常陰沍寒早洩遲每每至仲秋之  
交河水先結既堅且厚人畜重任往來無阻屢歲有秦寇之搶據  
綠水堅而竊度致動王師之戍守煩臺憲之節駐威基列而星  
羅更雲心而雨聚兵集糧從飛輓輸助宜及未雨修之於豫  
余守並土蒞餉是司無事而非恣飭之事無時而非戒  
懼之時維季秋之月當水堅而慮之適奉檄嚴飭河防至  
其處上下傍徨相其原隰度其夕陽孰可棲寓竈之相孰  
可容千騎之場孰可據險而設伏孰可出奇而扼吭器械備  
具墩堡列行窸先機而籌畫勿當境而惆悵爰禮河伯克祀  
克歆牲帛既具酒醴斯馨時秋深而風冽仰天高而氣清驚  
馮夷之怒號訝龍馭之疾奔日光掩映而為色石干相激而  
成聲噴薄兮若珠璣之綴舞璀璨兮若絲縷之雜陳念昔為  
商旅之坦途今返若天塹之重關豈隨刊之明德既邀抑氣  
運吾利使然願彼寇氛之殄滅復我禹甸之又安

志何妨其妨於作史乎周官職方掌四方之志歲事風俗情  
偽各編一書上之天子命內史識之以稽繳惡而備得失是今身  
所為志即當日之所為史也然妨於史而亦妨於詩也自邈守不行  
爰命太史採入方詩歌考奢儉而別貞淫則當日之所為詩即今  
日之所為志也志固非易言哉吉州舊志自癸未年沉寇而  
來山城失守人民慘戮房舍燼灰而志之版籍盡付之  
咸陽一劫炬中今三十餘年無論遠者莫由追溯即我

朝定鼎以來其間人事浩穰懸懸星辰燿燿戊申春二月鵬觀

齊州牧有心修輯久矣無如哀鴻未集士滿為憂未遑如願去  
于冬蒙臺憲撤取州志茫然無以應旋令州廩生曹執衡廣訊  
父老博採遺編復於斷碣殘碑細加搜括果確確有據者志  
其原委顛末畧疑似者姑且闕文無或訛手錄二帙共呈憲  
覽於癸丑秋夏六月復令登之梨棗即捐俸刻板甫匝月而告  
竣誠鵬向所禱祀以求者今庶乎其少慰矣雖以言乎識也  
識其地識其人識其事與實也抑志以言乎制也分疆畫野  
有其制土而賦役有其制山川扼塞人物風俗有其制志固



庸易言哉今州境雖小亦河東之一股肱也幸於乎成之建  
一州之里之流風逸事復相羅無遺而釐然一新藉令當代大  
君子為問昔日之地僻民淳事簡易治之休其尚有存焉者乎  
今志以內之分疆畫野自若也為問昔日之重義寡穢敦厚而  
質之休其尚有存焉者乎今志以內之土田賦役自若也為問昔  
日之襟帶河山壘口孟門之勝其尚有存焉者乎今志以內之風  
俗人物自若也孰謂一州之志非一國之史也耶痛痛素餐六載催科  
字而俱裨益惟以誠懇自矢即三尺之童亦莫敢欺故志之  
一書萬不肯恍惚附會以失其真又何得不以曾子廣諏博訪之  
最確者為略述其終始使後來蒞茲土者知一州之有其地有  
其制有其人有其事與實若是其班班也詎非陳詩貢俗  
之一助也哉

新增

光緒三年救荒碑記

天災流行何代蔑有光緒丁丑歲乃大饑也麥未種秋未登一  
歲已成兩歲之災食樹皮食人肉十分幾斃七分數及至戊

宣夏麥米每年錢四千餘文雖楚之米貴如珠宗之易子而一  
食未足方斯慘烈矣通達巡撫山右一等威毅伯爵曾公印國荃  
殫精竭慮借盡國維奉請

蠲免丁丑下忙及戊寅兩忙錢糧又請設立賑局按月發賑自捐  
廉俸移粟等餉奉

旨恩准欽命前工部右侍郎閻公印敬銘督辦山西全省賑務又命  
翰林院編修李公印用清兵部員外郎王公印炳壇星夜馳  
驅明查暗訪道路風清吏槩感絕自丁丑十二月起

頒發賑銀四十兩麥種銀三千兩由什貼鎮私米變價銀二千九  
百一十九兩小麥五千石高粱二千一百石大禾二千石小米四千七百  
石棉衣九百件沿途畜牲餓斃殆盡搬運粟糧不能應時延  
己卯三月尚運完雖由道途間隔實

天恩浩蕩有如無己所致也由平陽以上所發腳價若干不可計憶自  
平陽以下共領價錢一萬二千七百六十七兩四錢五分災為千古未  
有之災典亦曠典希聞之典魏魏功德民莫能名

上憲若是圖維理宜保全無恙但吉州地瘠民貧專事農業一遇

荒年流亡過甚丁丑十月抄錄賑戶二萬二千一百六十九口續抄次貧  
並開賑歸里者九千五百餘口至戊寅十一月僅抄一萬八百六十七  
口時所謂周餘黎民未有了遺其所之謂與幸我

父台吳公印葵之係河南人於戊寅春以候補知縣授署州篆

上憲正飭學正黃公印維堦裴公印國苞分辦寒士賑務又飭吉

州營守備印登庸千總劉公印耀光外委張公印維業分辦帶

伍賑務又飭吏目曹公印貽祥協辦賑務吳父台蒞任清如秋

水患似春風日用飲食出錢公買放賑詳冊備人騰錄除放上發粟

銀及本地存積倉谷六千一百五石四斗捐輸銀九千三百五十三兩

專令各路紳士如數按口分給未嘗少為差指收票放銀始終

不避胥役提斗捉秤早晚親自檢點常謂局紳曰

上憲不遠千里發給衣食等物豁免牲畜賦稅無所不至余今忝

為民牧未能解囊助賑誠有愧耳敢以顆粒分文假公濟私予即

稍賠墊乃所願也 父台嚴於自慎局紳誰敢自寬使隸寡

孤獨咸得自享衣食均霑

聖天子之實惠州屬父老皆聚首而相告曰非我 吳父台吾輩惠為

溝中瘠但兼任未久他務不遑未能大展施為即補武鄉縣篆  
惟恐久而堙沒漸忘恩德之盛感欲乞文勒石以志永久使後世子  
孫皆知天地有如此大劫

朝廷有如此曠典 上憲有如此經營我 英父台有如此廉明後之  
覽者有以興感云

光緒二十六年救荒碑記

感朝深仁厚澤淪肌浹髓一歲不登輒思賑貸偏災偶報即議蠲  
緩食德餼種二百餘年於茲晉省自光緒丁丑大祲以後兩  
暢時若民和年豐共享承平之福乃值戊戌己亥吉州連年  
薄收至庚子則夏秋俱歉民艱於食幾不聊生適湖北孝  
廉號禹九李鐄公者來署州篆於庚子閏月念八日蒞任  
睹瘡痍之情形慨然拯救為念急急稟

上憲分別蠲緩本年下忙錢糧以蘇民困時萑苻為害道  
路多阻急擬團練章十八條聯保甲以弭賊盜民獲安堵  
旋即蒙

諭旨凡被災州縣分別輕重設法賑濟吉州先發賑銀二千兩以工代賑重修城垣區畫周詳不辭勞瘁六閱月而災疫漸過城樓燼然一新百姓賴以全活固

聖天子之恩澤有加無已而實

上憲幹旅拯救之功我李刺史宣化承流之力也公於吉州無利不興無弊不除整頓書院籌設貢田勸開水渠諭墾荒地凡

上憲所札飭靡不實力奉行以州署之大堂棟折椽斷大門

砌湮礎沒廳署涼風雨難庇又謀建里長高因與眾共商捐輸之外必籌餘款以重建而鼎新之乃規模粗就籌款尚未湊有成數公以署事期滿稟請瓜代

上憲遂為撤委公之心為迹掩時人即可共白

聖天子之殊恩疊沛顧可聽其湮沒而不彰也爰記實而為之序

藝文增補

榮祿大夫翰林院承旨攝刑部尚書馮公神道碑序

金元好問

歲壬辰夏四月辛丑京城被兵刑部君倉卒逃難遂與家人相失  
明日事定君之子原吉輩求訪百至幸其微服而北也乃渡而  
物色之於大明東平於大興於大定閱三數年之久歷萬  
里之遙關河險阻饑凍困踣瀕死者屢矣然竟無所見  
之己已冬好問過天名始以所聞告君之季子亨蓋君既為騎  
兵所得將擁而北行有見之者憐君辭情慷慨義不受辱竟自  
投城旁近井中亨乃殺喪行服又將以故事奉君衣冠葬於陽正  
里以好嘗得幸於君涕泗百拜以碑見請謹為論之君諱廷

登字子俊世為吉州吉鄉人曾大父世安以醫名河東鄉里推  
其陰德反沒謂子孫必有起其家者大父成易醫而農父始  
知讀書且好與州人僧客遊後因君貴崇貴善大夫始早君侯姓  
氏始平郡太夫人生三子君其仲也幼穎悟不凡初入小學輒  
云吾家當不復耕耨矣少長從鄉先生作舉子業即有聲  
場屋間年二十三登永安二年調賦進士解褐臨真主簿補德  
順軍判官太和六年知懷寧寨事使者舉廉能轉寧遠  
令衛紹王大安元年電傷稼民無所於糴官為發粟賑貧君

為國處全活者不可勝計刺史澄陽趙君國臣慨然以良民  
吏許之三年丁內艱宣宗貞祐二年起復補尚書省令使知重  
善餘五年授河中府判官兼尚書左右司員外郎興定三年充  
史院編修官考試開封進士改太常博士未幾出為平涼路行營  
省左右司員外郎元光初遷鞏昌軍節度使兼外郎如故  
明年詔為吏部郎中兼翰林院修撰俄以知登聞鼓兼授奉  
使夏國就充接送伴使哀宗即位超翰林待制同修國史兼登  
聞鼓事三年考試安詞科尋被詔審理完滯七月出為京

兆行尚書事員外郎三年授睢州刺史兼行大名府治中  
尋改京兆府路司農少卿七年復翰林待制充御前讀書  
官仍宏司科兼國子祭酒借注翰林承旨充國信使八年  
春奉國書見於虢州御營有旨問汝識鳳翔帥否對曰識  
之又問何若人曰能辦事者也汝能招之使降即賞汝死  
否則殺汝矣曰奉國書請和招降豈使者事耶招降亦  
死還朝亦死不若即死之為愈也明日復問昨所問汝  
曾思之否對如前問至再三執意不回又明日乃諭旨

招之曰汝罪應死但古無殺使者理看君鬚髯甚偉乃  
難去遠之豐州壬辰河南破車駕駐鄭州有旨發還  
三月入京官翰林久之復祭酒歷禮吏二侍郎權刑部尚  
書明年遭變得年五十有九積官資善大夫勳上護軍  
封平郡侯食邑千戶實邑百戶娶同郡樊同官縣令  
邦憲之女封平郡夫人後居二月卒子男三皆用蔭補原  
懷遠大將軍吉安達大將軍睢州軍事判官亨德顯拔尉  
選授靈寶縣尉女二長嫁盱眙元帥府推官張懋煥次嫁  
鑑湖稅蘭公輔仁充本州學正孫男四俱幼君資謹厚寡  
言笑外若平易而臨事有執持禍福不少較辦初入官遂  
有能名懷甯素無廟學君為伐殿中長生柳以為材朝  
將成有芝十八莖生於大殿樑間時人異焉在甯學詩於  
闕閑公從此詩才大進緻密工巧時人少見其比及入翰院一日  
有旨急詔草誥君援筆立就文不加點專國高公大加賞  
異曰學士才藻如此而汝孺不能盡知負慚多矣因命錄  
文業以獻公諾之而不之奉也或以為言丞相求君文甚



勤何自爾之深也曰為宦窮達在我而已何事假人也有漢  
水當其門故以橫溪為號著有橫溪集行於世刻若干卷  
生平以易為業及安置豐州時日當以易經一編自隨日夕  
研究大有所得既歸集前人章句為一書曰學易記歲  
於家竊謂君於死生之際剛決如此殆於易所謂知命者  
非也示以銘曰日吉兮時良鬱佳城兮君所藏仁者之勇兮  
決以剛身已滅兮名益光何以名之兮北方之強天厚報兮德  
且昌世永享兮歲蒸嘗橫溪洋洋植豐碑兮墓傍魂歸來安歟

滯溪盜壻  
兮復何望

難所自開之術也曰為宗元仍遠在技高已何事假人也

本世其術所以橫溪為號其者有橫溪某村於世刻若干

生平以易為宗及安登豐州時其常以易經一編自誦其

研究其書有所得既此其書則人章其曰為一書曰易學記

於家其稱謂居於元主之添則以此銘於易所謂知命者

非其不以其曰曰吉命時其稱其成兮君所藏仁者之勇

決以剛身已成兮君益光何以名之兮地方之強天學報全

其書也其書公版其書其書其書其書其書其書其書其書

其書也其書公版其書其書其書其書其書其書其書其書

原件收藏

山西省图书馆

原件书号

25924-27

原件状况

原件有部分破损

[光緒]吉州全志四卷

(清)吳葵之修裴國苞纂

清光緒五年刻本


四冊

本部书共摄制 1 卷 吉州全志四卷

版权所有 不准复印

# 本部书完

本片卷含：吉州全志四卷



**7 / 0 - 0 1 3 0**

**1 : 1**